

【國家社會科學基金重大項目】

何建明

主編

中國地方志
佛道教文獻匯纂

寺觀卷

(11)



國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂

寺觀卷

（11）



國家圖書館出版社


中國地方志佛道教文獻匯纂·寺觀卷
北京市


延慶州志


清·屠秉懿修 張惇德纂

清光緒七年（一八八一）刻本











王長川志卷一 疆域

州城圖

東





延慶州志卷五

經政志 廟祀 郵政 郵遞 兵防

廟祀

關帝廟在州城東門內康熙六十年住持僧因臨募緣補修每

歲春秋擇吉并五月十三日致祭咸豐六年升入中祀

明史關公廟洪武二十七年建於南京雞籠山之陽稱漢前將軍漢壽亭侯嘉靖十年訂其說稱漢前將軍漢壽亭侯祭以四孟歲募及五月十三日北京祭日同

大清會典順治元年定每年五月十三日祭九年

敕封忠義神武關聖大帝雍正三年

敕封關聖三代公爵製造神牌供奉後殿五月致祭外定於春

秋二仲月上戊日致祭五年題準前殿祭品用牛一羊一

豕一蓮豆各十主祭官行三跪九叩禮後殿祭品不用牛

蓮豆各八行二跪六叩禮其五月十三日致祭

但祭前殿不用蓮豆用果五釘亦不用祝文

文昌廟在州城

詳學

每歲春秋擇吉致祭咸豐六年升入中祀

一在永甯城

明

焉芝永甯城移建文昌宮碑記
 永甯距京師二百里關塞要地城本前明縣治我
 朝改隸延慶州置巡檢司道光十二年壬辰上官復議裁汰
 前進士胡公先達致仕因其遺署立爲書院重文教也城
 內舊有文昌宮築城時始建於東門上日迎暉閣繼又移
 東南城上其像且在魁星之下胡公屢次改修未及行而
 殁其子名源澤余於庚子年題奏援行士也迺承父志捐
 貲爲倡於縉山書院之東拓地爲祠祠旣成請余記之時
 余方歲考於宣郡竊幸其地處邊鎮素慕武勇而能汲汲
 以文教行也再考文昌六星爲天之六府自漢有靈星司
 命之祀元初太史奏文昌明文運興詔天下立祠於是梓
 潼勸善之說始行於世至於學士同人數典求徵必欲舉
 其人神以塞之未免近於鑿矣且神道遠人道邇舉人
 妄念之富貴福澤待命於神豈能遍及焉以徇其私也然
 自有世道不古惟神靈之赫濯獨能警覺羣生使閭閻
 族黨之民祀其神讀其文默窺明訓之根源有所觀感而
 懲勸焉其有神於世道人心者非細故也今永甯最爾區
 宇既有學院砥礪修復建文昌官於其地吾知其見神
 起敬者人情也諸生肄業其中當益灼然於善惡是非之
 界則禮俗愈敦民風益厚豈特土風蒸蒸日上取高科擢

魏第而已哉是舉也胡生克承父志倡輸經費其度地相勢鳩工庀材則可訓呂公名全武生李公龔贊成之力居多云道光二十二年七月

火神廟在州治東懷仁街雍正九年住持僧寂普募修道光二十年知州童恩重葺規模宏壯前有戲樓神威靈著每歲春夏之交擇吉報賽致祭一在永甯城內西南隅

文獻通考宋仁宗慶厯中修大火祠三月九日祀之以闕伯配徽宗崇寧元年詔天下建崇寧殿並建火德星君殿日下舊聞天啟元年三月命太常寺官以六月二十三日祀火德之神

龍王廟在州城北門外明成化九年州人譚鐸等建王海鄉官李先春各有修葺一在永甯城西北隅廟建於未置城之先古剎也

國朝康熙三十八年住持僧達福募修

文獻通考唐開元二年詔祠龍池又詔置壇及祠堂十八
年敕太常卿韋絳草祭儀絳奏索周禮大宗伯以鬯辜祭
四方百物祭法曰龍出雲為風雨者皆曰神龍四靈之畜
能為雲雨亦曰神也禮有公食大夫饗之文其饗之日請
用二月有司筮日官致齋設饗豆如祭雨師之義其牲用
少牢樂用鼓鐘舞用帔舞樽用散酒以一獻宋京城東舊
有五龍祠因唐禮行其祀用中祀禮又城西南隅有九龍
堂賜名普濟堂大觀四年詔封英靈順濟龍王為靈順昭
應安濟王是年八月詔天下五龍神皆封王爵青龍神封
廣仁王赤龍神封嘉澤王黃龍神封孚應王白龍神封義
濟王黑龍神封靈澤王續文獻通考茅山前有龍池歲旱
禱輒應紹興中敕封敷澤廣惠侯

大清會典雍正二年

敕封四海龍王之神東曰顯仁南曰昭明西曰正恒北曰崇禮

遣官齋送香帛地方官致祭五年分送各直省

神像建廟奉祀

明李奈重修龍王廟碑

隆慶城北坎地舊有龍王廟三楹崇臺峻基規制整嚴且

正覺川志卷五經政

二

修

白龍王廟在州城西南七里白廟屯明永樂中州人楊六等重

雜植林木森茂烟籠篆浮誠一方樓神勝地也歲久傾圮弗堪供祀至嘉靖辛卯都憲黃公冢器右生者謀衆修葺遂廟貌儼然如故迨癸丑歲陰雨連月弗開致頽敝殊異往時行路咨嗟無以稱州人禱祀之意戊午歲春初郡青李景鸞等詣廟惻然乃設醺募貲刻期舉事繪像砌基址凡百可增可補罔不殫力營治有致仕實齋李公善捨廟東側地長十丈濶一丈二尺又士人楊梅亦捐廟北側地長一十二丈濶七尺餘周圍有垣仍初屋宇在臺之上與門之側者共七楹以便焚修抵秋將成李君因染症弗克會昔與李君同議舉二事者亦李姓名海恐前功廢復僉謀於衆期完工務重門疊級畫棟碧簷煥然改觀矣復訪有行比丘鄭玄福住持茲廟朝夕焚掃且修繕有勞至是景鸞之願遂而鄉人之望慰也衆咸勒碑陰以俟後之有命工鑄石用記顛末而捨資士衆咸勒碑陰以俟後之有志修復者考焉是爲記

東嶽廟在州治東北舊所治東懷仁街明正統八年知州古節

建成化九年知州李鼎重修萬歷三十年道人楊清鳳募修規

制大備有香火地

州人王朝臣施地三十畝孟守正十四畝孟尙仁十畝王自登十五畝陳國賢四畝蘇夏

七分五分

一在永甯城內東南隅

春秋公羊傳三望者何望祭也然則曷祭祭泰山河海岳爲祭泰山河海山川有能潤於百里者天子秩而祭之觸石而出膚寸而合不崇朝而徧雨乎天下者惟泰山爾河海潤於千里文獻通考唐開元十三年封泰山神爲天齊王禮秩加三公一等宋大中祥符元年加贈爲仁聖天齊王五年加上東嶽曰仁聖天齊帝元史至元二十八年加上東嶽爲齊大生仁聖帝明史洪武二年

年去前代所封名號稱東嶽泰山之神

明蘇乾重修東嶽廟碑記

隆慶舊有東嶽廟在靖遠門外正統八年州守耀州古君

節多於州治之艮地則郡民杜仁舍也成化九年州守秦
州李君肅重修其成則義官楊壽之力居多焉自癸巳迄
今六十餘載風雨推剝之餘金碧凋敝棟宇頽頹弗堪棲
神乾叔父賜偶有事於祠下見其壞也慨然於懷乃謀於
衆爲興復計於是鳩工庀材以次修理腐者新之圯者起
之先正殿次寢殿東西廂聖母祠大門次及焚修之居共
計二十三間興於嘉靖丙申年九月十一日成於丁酉十
月九日雖基址維舊而規模工程則加於舊過者改觀瞻
者起敬甚盛舉也既而命乾紀其事乾惟東嶽泰山五嶽
之一也五嶽在五方而各神其神於其方者理也泰山在
魯魯爲今山東地屬人之事東嶽固宜也隆慶距魯千有
餘里其亦祠東嶽者得非以其神之靈無往而不存歟况
兩陽之時若焉民物之阜康焉或賴神庇固司牧之所欲
然者又作廟之需皆出於民而不費公家之物亦上之所
不禁者所以吾民不以越分爲嫌而樂於趨事也於戲民
之事神凡以祈福而已人知祈福則必避禍殊不知福所
以錫善人非可以苟得禍所以懲惡類非可以倖免也一
感一應其中蓋有機焉不容以私擬也然世有憤不能伸
而質諸神者固以神之正直能察人之私也能鑒人之情
也能罰人之惡也既而果有應者要亦神之靈有感而然